

საქართველოს ტექნიკური უნივერსიტეტის

აკადემიური საბჭოს

2017 წლის 25 იანვრის

დადგენილება №2295

საქართველოს ტექნიკური უნივერსიტეტის სტუდენტის მიერ  
გაცვლით საერთაშორისო პროგრამაში მონაწილეობის მიღების  
მიზნით კონკურსის ჩატარების წესის შესახებ

საქართველოს ტექნიკური უნივერსიტეტის აკადემიური საბჭო ადგენს:

დამტკიცდეს საქართველოს ტექნიკური უნივერსიტეტის სტუდენტის მიერ გაცვლით  
საერთაშორისო პროგრამაში მონაწილეობის მიღების მიზნით კონკურსის ჩატარების  
წესი (იხ.დანართი).

აკადემიური საბჭოს თავმჯდომარე

ა. ფრანგიშვილი

აკადემიური საბჭოს მდივანი

გ. სალუქვაძე

საქართველოს ტექნიკური უნივერსიტეტის სტუდენტის მიერ გაცვლით  
საერთაშორისო პროგრამაში მონაწილეობის მიღების მიზნით  
კონკურსის ჩატარების წესი

### 1. რეგულირების სფერო

1. წინამდებარე წესი არეგულირებს გაცვლითი პროგრამის ფარგლებში საქართველოს ტექნიკური უნივერსიტეტის სტუდენტთა მობილობის განხორციელების პროცედურულ საკითხებს, შესაბამის ეტაპებსა და ვადებს, ადგენს მობილობის პროცესის მონაწილეთა უფლებებსა და მოვალეობებს.
2. წინამდებარე წესი შესასრულებლად სავალდებულოა მობილობის დაგეგმვისა და განხორციელების პროცესში მონაწილე ყველა პირისათვის.
3. წინამდებარე წესით დადგენილი პროცედურები გამჭვირვალეა და ინფორმაცია მისი თითოეული ეტაპის შესახებ ღია, ხელმისაწვდომი და ადვილად აღქმადია დაინტერესებულ პირთათვის.

### 2. კონკურსის მიზანი

1. კონკურსის მიზანს წარმოადგენს ბაკალავრიატის, მაგისტრატურისა და დოქტორანტურის საფეხურის სტუდენტთა შერჩევა მიმღებ პარტნიორ უმაღლეს საგანმანათლებლო დაწესებულებაში (უსდ) (მათ შორის Erasmus+ პროგრამის ქვეყნის უსდ) საერთაშორისო მობილობით სასწავლებლად, შესაბამისი ინტერ-ინსტიტუციონალური (მაგ. Erasmus+ პროგრამის ფარგლებში) ან/და ბილატერალური ხელშეკრულებით (მაგ. სტუ-სა და და რომელიმე უსდ-ს შორის გაფორმებული ურთიერთთანამშრომლობის ხელშეკრულების ფარგლებში) განსაზღვრული პირობების შესაბამისად.
2. პარტნიორი უნივერსიტეტების სია შესაბამისი სამეცნიერო მიმართულებებით მოცემულია ვებგვერდზე ([www.gtu.ge/erasmus+](http://www.gtu.ge/erasmus+)).

### 3. საკონკურსო კომისია

1. გაცვლითი პროგრამის ფარგლებში აპლიკანტების შესარჩევ საკონკურსო კომისიას ნიშნავს საქართველოს ტექნიკური უნივერსიტეტის რექტორი.
2. კომისიის შემადგენლობაში, როგორც წესი უნდა შედიოდნენ:
  - რექტორი/ვიცე-რექტორი (კომისიის თავმჯდომარე);
  - საერთაშორისო ურთიერთობათა და სტანდარტების სამსახურის წარმომადგენელი (სტუ-ს ინსტიტუციონალური კოორდინატორი);

- სტუ-ს ხარისხის უზრუნველყოფის სამსახურის წარმომადგენელი;
- სწავლების დეპარტამენტის წარმომადგენელი;
- სასწავლო პროცესის მეთოდური უზრუნველყოფის დეპარტამენტის წარმომადგენელი;
- სოციალურ საკითხთა, კულტურისა და სპორტის დეპარტამენტის წარმომადგენელი;
- სტუდენტთა თვითმმართველობის წარმომადგენელი;
- საერთაშორისო ურთიერთობათა და სტანდარტების სამსახურის საერთაშორისო ურთიერთობათა ჯგუფის წარმომადგენელი;
- საერთაშორისო ურთიერთობათა და სტანდარტების სამსახურის თანამშრომელი, რომელიც კოორდინაციას უწევს კონკრეტული პროექტის აქტივობებს.

#### 4. კონკურსის გამოცხადება

1. გაცვლითი პროგრამის ფარგლებში, არსებული ხელშეკრულებების შესაბამისად, საქართველოს ტექნიკურ უნივერსიტეტში კონკურსი ცხადდება ორ ეტაპად, შესაბამისად, გაზაფხულის ან შემოდგომის სემესტრში დაგეგმილი საერთაშორისო მობილობებისთვის.
  2. გაზაფხულის სემესტრში დაგეგმილი საერთაშორისო მობილობებისთვის კონკურსი ჩატარდება ნოემბერში, ხოლო შემოდგომის სემესტრში დაგეგმილი საერთაშორისო მობილობებისთვის კონკურსი ჩატარდება აპრილში.
  3. ინფორმაცია კონკურსის შესახებ განთავსდება ვებგვერდზე ([www.gtu.ge/erasmus+](http://www.gtu.ge/erasmus+)).
  4. განცხადებაში მიეთითება მასპინძელი უნივერსიტეტის დასახელება, ინფორმაცია სტიპენდიების არსებობის შესახებ, მიმართულების/პროგრამების ჩამონათვალი, განაცხადის
  5. მიმდინარეობისას უნდა ირიცხებოდეს საქართველოს ტექნიკურ უნივერსიტეტში, როგორც შესაბამისი საფეხურის სტუდენტი.
1. კონკურსში მონაწილეობის მიღება არ შეუძლიათ:
    - სწავლების პირველი დამამთავრებელი წლის ბაკალავრებს;
    - სწავლების დამამთავრებელი წლის მაგისტრანტებს;
    - Erasmus+ პროგრამით მობილობისას ყველა საფეხურის სტუდენტებს, რომლებსაც უკვე მიღებული აქვთ Erasmus Mundus და Erasmus+ გრანტი ანალოგიურ საფეხურზე და მათი მობილობის პერიოდი დაგეგმილი მობილობის ჩათვლით აღემატება 12 თვეს.

## 6. დოკუმენტები კონკურსში მონაწილეობისათვის

1. კონკურსში მონაწილეობისათვის საჭირო დოკუმენტების ჩამონათვალი, აგრეთვე შესაბამისი ფორმები განთავსებულია ვებგვერდზე ([www.gtu.ge/erasmus+](http://www.gtu.ge/erasmus+)):
  - პირადობის მოწმობის /პასპორტისასლი;
  - შევსებული სააპლიკაციო ფორმა (ინგლისურენაზე);
  - EUROPASS CV (ინგლისურენაზე);
  - სამოტივაციო წერილი (ინგლისურენაზე);
  - შესაბამისი ენის ცოდნის დამადასტურებელი სერტიფიკატი/ცნობა (თუ კონკურსანტს მიღებული აქვს წინაგანათლება უცხოენოვანპროგრამაზე, სერტიფიკატი/ცნობა აღარ მოითხოვება);
  - ნიშნების ფურცელი (ინგლისურენაზე);
  - შესაბამისი ფაკულტეტის ხარისხის სამსახურის უფროსთან შეთანხმებით შევსებული და ხელმოწერით დადასტურებული ინდივიდუალური სასწავლო პროგრამა (სასწავლო ხელშეკრულება) (ინგლისურენაზე);
  - სარეკომენდაციო წერილი (ინგლისურენაზე);
  - ეკონომიკური, სოციალური ან ჯანმრთელობის პრობლემის დამადასტურებელი ცნობა (არსებობის შემთხვევაში) (ინგლისურენაზე);
  - ბოლოს მიღებული უმაღლესი განათლების დიპლომი და დანართი (არსებობის შემთხვევაში) ან აკადემიური ცნობა (ინგლისურენაზე);
  - კვლევისგეგმა (ინგლისურენაზე) (მხოლოდ დოქტორანტებისთვის);
  - მხარდაჭერის წერილი მიმღები უნივერსიტეტის პროფესორისაგან /ადმინისტრაციული ერთეულისგან (ინგლისურენაზე) (ოფიციალური დოკუმენტი სავალდებულო არ არის. საკმარისია ელ-ფოსტით მიღებული თანხმობა) (მხოლოდ დოქტორანტებისთვის).
2. კონკურსანტები სათანადოდ შევსებულ სააპლიკაციო ფორმასა და ინდივიდუალურ სასწავლო პროგრამას (სასწავლო ხელშეკრულება) წარუდგენენ შესაბამისი ფაკულტეტის დეკანს, ხოლო Erasmus+ პროგრამის შემთხვევაში, თავდაპირველად შესაბამისი ფაკულტეტის დეკანს და შემდგომ, სტუ-ს ინსტიტუციონალურ კოორდინატორს დასადასტურებლად.
3. Erasmus+ პროგრამის შემთხვევაში საკონკურსო განაცხადი, რომელსაც თან არ ახლავს სტუ-ს ინსტიტუციონალური კოორდინატორის მიერ დადასტურებული ინდივიდუალური სასწავლო პროგრამა, განსახილველად არ მიიღება.

## 7. საკონკურსო საბუთების მიღება და კონსულტაციები:

1. გაზაფხულის სემესტრში დაგეგმილი საერთაშორისო მობილობებისთვის საკონკურსოსაბუთების წარდგენის ბოლო ვადა - 15 ნოემბერი.
2. შემოდგომის სემესტრში დაგეგმილი საერთაშორისო მობილობებისთვის საკონკურსო საბუთების წარდგენის ბოლო ვადა - 15 აპრილი.

**შენიშვნა:**

საბუთების წარდგენის ბოლო ვადები შეიძლება შეიცვალოს კონკრეტული პროექტის კოორდინატორი უსდ-ს (Erasmus+ პროგრამის ქვეყნის უსდ) მოთხოვნების შესაბამისად.

3. დამატებითი დეტალური ინფორმაცია გამოცხადებულ კონკურსთან დაკავშირებით – ინფორმაცია კონკურსის პირობების, შემოთავაზებული მობილობის ტიპებისა და ვადების შესახებ პერიოდულად გამოქვეყნდება საქართველოს ტექნიკური უნივერსიტეტის ვებგვერდზე.
4. საქართველოს ტექნიკური უნივერსიტეტის საერთაშორისო ურთიერთობათა და სტანდარტების სამსახური უზრუნველყოფს დაინტერესებული კონკურსანტებისთვის სააპლიკაციო პროცედურებთან დაკავშირებულ კონსულტაციებს ვებგვერდზე ([www.gtu.ge/erasmus+](http://www.gtu.ge/erasmus+)) გამოქვეყნებული გრაფიკის შესაბამისად:
  - ოქტომბერი-ნოემბერი (გაზაფხულის სემესტრში მობილობისთვის);
  - მარტი-აპრილი (შემოდგომის სემესტრში მობილობისთვის).

## 8. ტესტირება

შიდა საუნივერსიტეტო ტესტირება შესაბამის უცხო ენაში კონკურსანტებისთვის, რომლებმაც განაცხადში არ წარმოადგინეს უცხო ენის ფლობის სათანადო სერტიფიკატი ან არ სწავლობენ შესაბამის უცხოენოვან საგანმანათლებლო პროგრამაზე, ჩატარდება საუნივერსიტეტო საგამოცდო ცენტრში, კომისიის გადაწყვეტილებით, შესაბამისად, 20 ნოემბრამდე (გაზაფხულის სემესტრში მობილობისთვის) ან 20 აპრილამდე (შემოდგომის სემესტრში მობილობისთვის).

## 9. კონკურსის ჩატარება

1. სააპლიკაციო განაცხადების სორტირება საკონკურსო კომისიისათვის წარსადგენად 25 ნოემბრამდე (გაზაფხულის სემესტრში მობილობისთვის) ან 25 აპრილამდე (შემოდგომის სემესტრში მობილობისთვის).
2. წარდგენილი სააპლიკაციო განაცხადების განხილვა და გასაუბრების ჩატარება კომისიის მიერ 30 ნოემბრამდე (გაზაფხულის სემესტრში მობილობისთვის) ან 30 აპრილამდე (შემოდგომის სემესტრში მობილობისთვის).
3. კონკურსანტების შეფასება განხორციელდება შემდეგი კრიტერიუმების მიხედვით:
  - GPA ან კურსდამთავრებულის დიპლომის საშუალო;
  - მიმღები უნივერსიტეტის მოთხოვნის შესაბამისი ენის ცოდნის დამადასტურებელი სერტიფიკატი/ცნობა/ტესტირების შედეგი;
  - EUROPASS CV;
  - სამოტივაციო წერილი;
  - სარეკომენდაციო წერილი;

- კვლევისგეგმა (ინგლისურენაზე) (მხოლოდდოქტორანტებისთვის);
- გასაუბრების შედეგები.

### შენიშვნა:

*ერთნაირი მონაცემების არსებობის შემთხვევაში, უპირატესობა მიენიჭებათ:*

- *სოციალურად დაუცველ და შეზღუდული შესაძლებლობების მქონე კონკურსანტებს;*
  - *კონკურსანტებს, რომლებსაც მანამდეა რმიულიათგ რანტები ევროკავშირის მიერ დაფინანსებული ერაზმუს მუნდუსის, ერაზმუს+ მობილობის პროგრამების ფარგლებში;*
4. მიმღებ პარტნიორ უსდ-ს შეუძლია განსაზღვროს თავისი პრიორიტეტები სასწავლო კურსთან დაკავშირებით, ინტერ-ინსტიტუციონალური ხელშეკრულების ფარგლებში (Erasmus+ პროგრამის შემთხვევაში).

## 10. კონკურსის შედეგები

1. კონკურსის შედეგები წარმოადგენს შერჩეული კონკურსანტების რანჟირებულ სიას მიღებული ქულების მიხედვით.
2. ინდივიდუალური გრანტის მოსაპოვებლად, პარტნიორი უსდ-თვის ნომინაციაში წარმოდგენილნი იქნებიან შესაბამისად რანჟირებული კონკურსანტები (სიის მიხედვით).
3. კონკურსის შედეგები კონკურსანტებს ინდივიდუალურად ეცნობებათ საკონკურსო განაცხადში მითითებული ელ. ფოსტით.

## 11. კონკურსის შედეგების გასაჩივრების პროცედურა

1. კონკურსანტს უფლება აქვს, გაასაჩივროს საკონკურსო კომისიის გადაწყვეტილება კონკურსის შედეგების გამოცხადებიდან 7 დღის განმავლობაში.
2. განცხადება/საჩივარი წერილობითი ფორმით უნდა გაეგზავნოს საკონკურსო კომისიას.
3. გასაჩივრების ვადის ამოწურვიდან სამი დღის განმავლობაში საქართველოს ტექნიკური უნივერსიტეტი აცხადებს კონკურსის საბოლოო შედეგებს, ამავე ვადაში უგზავნის პარტნიორ მიმღებ უსდ-ებს ინდივიდუალურ სასწავლო პროგრამებს (სასწავლო ხელშეკრულებები).